

三才圖會

三才圖會

雲間允明父王思義續集

宮室一卷

宮

殿

閣

臺

又

又

堂

觀

樓

闕

亭

館

庭

宅

齋

牆

廨

印驛

閭里

關塞

市

節

廟

學

坊

房

暴室

閣


行馬

厨

竈


欄

黃帝合宮圖




合宮黃帝所造蘇氏演義宮中也言處都邑之中也又宮
方也爲闕宮以雉堞方正也風俗通曰宮室一也秦漢以
來尊者以爲常號下乃避之神異經有天渥之宮管子黃
帝有合宮堯有貳宮周有昔宮秦有萬年漢有未央等宮
禮記曰由命士以上父子皆異宮又曰儒有一畝之宮環
堵之室是士庶人皆有宮稱也

始 皇 前 殿 圖




前殿秦始皇作乃殿之所從始也演義殿殿也取衆屋擁
從如軍之殿摯虞決義要注曰殿則有階陞堂有階無陞
春秋謂之路寢禮記與白虎通俱曰天子之堂漢書黃霸
令郡國上計吏有舉孝子弟弟貞婦者爲一輩先上殿師
古曰丞相所坐屋也古制屋之高嚴通呼爲殿不必宮中
也

阿閣圖




阿閣黃帝時造帝王世紀曰黃帝時白鳳巢於阿閣說文
曰樓重屋即閣也

臺 轅 軒



爾雅曰觀四方高曰臺有木曰榭山海經曰沃民之國有
軒轅臺黃帝內傳曰帝卽軒轅蚩尤因之立臺此其始也

靈 臺 圖




雷臺

文周

所作所以望氛祲察災祥時觀游節勞佚也

軒 轅 明 堂 圖



堂古者爲堂自半已前虛之謂堂半已後實之爲室堂者
當也謂當正向陽之屋王又堂明也言明禮義之所管子
曰軒轅有明堂之儀春秋因事曰軒轅氏始有堂室棟宇
則堂之名肇黃帝也

周明堂圖

<p>孟春</p> <p>居月十</p>	<p>仲春</p> <p>居月十一</p>	<p>孟春</p> <p>居月二十</p>
----------------------	-----------------------	-----------------------

<p>孟春</p> <p>居月九</p>
<p>仲春</p> <p>居月八</p>
<p>孟春</p> <p>居月七</p>

<p>太廟太室</p> <p>居季夏</p>

<p>孟春</p> <p>居月二</p>
<p>仲春</p> <p>居月二</p>
<p>孟春</p> <p>居月三</p>

<p>明堂</p> <p>居月六</p>	<p>明堂</p> <p>居月五</p>	<p>明堂</p> <p>居月四</p>
----------------------	----------------------	----------------------


門還處路
終且

<p>門</p> <p>居王月閏</p>

閏月
朔于明
堂門中


南

元始觀圖




黃帝元始觀黃帝內傳曰帝置元始真容於高觀之上觀之言可以觀望於其上也周有兩觀春秋書雉門及兩觀災是也今俗謂之朵樓蓋周制也

樓



樓自黃帝始史記方士言於漢武帝曰黃帝爲五城十二樓以候神人帝乃立井幹樓又爾雅曰狹而脩曲曰樓說文曰樓重屋也櫟澤中守莖樓也又曰樓有戶牖諸孔樓慢然也

闕



闕在門兩旁中間闕然爲道也

釋名

闕缺也門兩邊缺然爲

道也

廣志

闕觀也古每門樹兩觀於其前以標表宮門其上


可居登之則可遠觀故謂之觀人臣將朝至此則思其所

闕故謂之闕其上皆畫雲氣仙靈奇禽恠獸以示四方蒼

龍白虎玄武朱雀並畫其形

崔豹古今注

亭




亭亭也人所停集也

釋名

秦法十里一亭亭有長則是其制

始於秦西京苑內有望雲亭東京有金谷亭又名街彈之室則今之申明亭也

館



館客舍也待賓之舍曰館

桂苑


凡事之賓客館焉舍也有積

以待朝聘之官是也客舍逆旅名候館也公館也公宮者

公所爲也私館者自卿大夫以下之家

開元
文宇

庭




三才圖會
卷之二十一
庭堂下至門謂之庭

玉海

說文曰庭朝中也揚子法言曰鳳

鳥踟蹰匪堯之庭列子曰黃帝居大庭之館此庭名之起

五 畝 宅 圖



五畝之宅外
環以牆謂之
宮牆賈公彥
曰宮是合院
之內

按匹婦即農夫之妻先王導之使養老者謂養五十非帛不暖之人也故女執懿筐遵彼微行爰求柔桑非男事也男於此時已皆畢出在野于耜舉趾矣而婦興蠶事宜就墻桑若宅分田邑二處則在邑宅桑誰與之採邪故五畝之宅宜爲一處而便於農事者也農桑政之本也以此分責於農家夫婦欲使有常業焉

齋



漢宣帝齋居决事此齋名之起也晉代和中陳郡殷府君
引水入城穿池殷仲堪又於池北立小屋讀書百姓于今

呼曰讀書齋




王孚安
成記

牆



墻障也所以自障蔽也淮南子曰舜築墻茨屋此墻之起也又謂之墉墉容也所以蔽隱形容也又曰壁壘辟也所以辟御風寒也又曰垣垣援也人所依阻以爲援衛者也

廡




廨周禮太宰以八法治官府註百官所居曰府即廨也漢
建尚書百官府名曰南宮蓋取天上南宮太微之象此亦
官廨之說也

邸驛

三才圖會


宮室一

五




驛邸宿也史記作諸侯邸則邸之義起於漢也周禮地官遺官之職凡國野之道十里有廬廬有飲食三十里有宿宿有路室有委五十里有市市有候館候館有積今二十里馬舖有歇馬亭即路室之遺事也六十里有驛驛有餽給即候館之遺事也通典曰唐三十里置一驛其非通塗大路則曰館由是謂之館驛

閭里圖



閭里小宰以官府之八城經邦治三曰聽閭里以版圖周禮
爾雅巷門謂之閭說文里門也周禮五家爲比五比爲閭
閭侶也二十五家相群侶也說文里居也周禮五家爲隣
五隣爲里風俗通云五家爲軌十軌爲里里者止也五十
家共居止也

關 塞



關塞關西河天關其星爲天關

天文志

司關掌國貨之節以


聽關市

禮

關在境所以察出禁入

蔡邕月令章句

市井圖



市井市時也言交易而退特以不匱也市亦謂之市井言


人至市有所鬻賣者當於井上洗濯令香潔然後到市也

或曰古者二十畝爲井因井爲市故云也風俗通市買賣之

所也說文闔市垣也闔市門也古今注市巷謂之闔市門謂之


闔巷謂之闔顏延之纂要市中空地謂之廛鄭衆周禮注

廊



廊周作洛曰五宮明堂咸有重廊漢武策曰舜遊巖廊堂
遶曰巖殿下外屋曰廊然則唐虞時事也

軒 轅 廟




廟者貌也所以彷彿先人之靈貌也軒轅本記曰帝升天
臣寮追慕取几杖立廟于是曾遊處皆祠云此廟之始也

學

三才圖會

宮至一卷

七



五帝有成均之學虞曰上庠下庠夏曰東序西序殷曰右學左學文曰瞽宗即右學周曰東膠虞庠又曰辟雍蓋上庠東序右學東膠四代所以養國老也下庠西序左學虞庠四代所以養庶老也然祭義曰天子設四學而大戴賈誼則有帝入五學之文陳禮書據祭義之說則曰周設四代之學以辟雍居中即成均也以其明之以法和之以道則曰辟雍以其成其虧均其過不及則曰成均東序在右即東膠也以習射事則曰序以糾德行則曰膠右學在右即瞽宗也以樂祖在焉則曰瞽宗居右焉則曰右學三學

并建於一丘之上乃大學也虞庠在國之西郊乃小學也
故大學以養國老小學以養庶老也陸禮象擬大戴賢詁
之說則曰天子設四學并中學而五直於一處并建東學
爲東序南學爲成均西學爲瞽宗北學爲上庠大學爲辟
雍此五學在內者皆大學也小學二在外東膠虞庠也二
說皆有所據未知其孰當鄭玄又謂周有四郊之虞庠王
肅又謂辟雍即明堂皆不可知也大抵天子之爲小學在
外大學在內以天子選士由外以升于內造于朝故也諸
侯之學小學在內大學在外以諸侯選士由內以升于外

然後達于京故也 孔晝又曰夏之東序在周謂之東膠
亦謂之東學所謂食三老五更於大學是也又王世子云
云食老更即養國老故知大學爲東膠商之右學在周謂
之瞽宗亦謂之西學所謂祀先賢於西學是也祀先賢即
祭瞽宗故知西學乃瞽宗蓋夏學上東而下西商學上右
而下左周之所存特其上者耳老更年老更事致仕者名
三五象三辰五星 出制度通纂

諸侯學周制天子曰辟雍諸侯曰泮宮王制曰天子命之
教然後爲學小學在公宮之左大學在郊明堂位曰米廩

有虞之庠也序夏后之序也瞽宗商學也類宮周學也然則魯亦用四代之學也說者謂魯之泮宮米廩諸侯之所皆有魯之瞽宗與序諸侯之所共無泮宮大學也米廩小學也陳禮書曰泮宮之制半於辟雍水缺其北諸侯樂懸闕其南而泮水闕其北者闕南而存北所以便其觀闕北而存南所以便人之觀也通纂


歷代學漢高代秦學校未立雖叔孫諸弟習禮奉常然庠序則未遑也文帝始廣遊學之路武帝慨然上慕三代從仲舒之言而建大學從公孫弘之請而增博士弟子員然

按晉灼所言則西京無大學矣按三輔黃圖所載則謂大學在長安西北七里詳而著之則黃圖言武帝之時而晉灼論漢初之制也光武中興造脩大學明帝行三雍之禮冠帶園橋門以億萬計期門羽林悉通蘇武匈奴之子亦來大學何其盛也安和以來儒士倚席不講而學舍鞠爲園蔬矣唐有二館六學弘文館置於門下崇文館置於東宮領之者宰相也爲之生徒者皇屬國戚大臣之子孫也又以西京國子監領六學四國子學曰大學亦以大臣子孫爲之曰四門學以朝臣子孫與庶人之俊秀者爲之曰

律學曰書學曰算學請以習其業者爲之至於京師州縣
又皆有學皆錄國監而博士必爲之分經教授太宗增築
學舍至千二百區四方學者雲集京師四夷皆遣子入學
史稱唐儒學之盛惟貞觀開元也 宋朝承唐制有國子
監大學真宗嘗幸太學由是文風大振元朝世祖混一內
設書監外設提舉司又設蒙古字學視儒學亦加重焉
府縣學泮水頌魯子衿刺鄭此列國之學也漢景帝時文
翁爲蜀守起學成都西蜀尚文雅武帝令郡國皆立學校
官自文翁始也孝平元始間詔置經師郡國曰學縣道邑



侯國曰校校學置經師一人鄉曰庠聚曰序

坊




坊蘇鶚演義曰坊方也漢宮闕名曰洛陽北故宮有九子
坊則坊之名始于漢矣

房




房蘇鶚演義曰房方也室內之方正也又房防也所以防風雨燥溼也說文曰房室在旁者也尚書顧命有東房西房詩右招我由房蓋周制也

暴室



周制暴室即漿糲房也主掖庭織作染練之署謂之暴室
取暴曬爲名耳女子有罪亦下之

閨




閨閣門傍戶也

說文

小閨謂之閤

爾雅

馬 行



行馬始于三代周禮謂之陸桓一木橫中兩木互穿以成四角施之於門以爲禁約也晉魏以後官至貴品其門得施行馬又名攔黨

厨

帝王世


記曰太

昊取犧

牲以供


庖厨此

厨之始




竈

淮南子曰炎帝王
於火死而爲竈後
漢李尤竈銘曰燧
人造火續事始曰
黃帝所製



欄



欄漢顧成廟設投光鈎欄王逸註云縱者欄橫者掎掎間
子曰櫺櫺掎殿上臨之亦以防人失墜今言鈎欄是也園
亭中藥欄即今欄猶言園援非花藥之欄也